



# The European Union’s “Support to Migration Policy Development and Relevant Capacity Building in Armenia” Programme

Եվրամիության «Աջակցություն Հայաստանում միգրացիոն քաղաքականության և համապատասխան կարողությունների հզորացմանը» ծրագիր

## Policy Brief Համառոտագիր



This project is funded by the European Union  
Ծրագիրը ֆինանսավորվել է Եվրամիության կողմից



ԲՐԻՏԻՇ ԲԱՌԻՍԻԼ



This project is implemented by  
Ծրագիրն իրականացնում են՝

International Center for Human Development  
Մարդկային զարգացման միջազգային կենտրոն



Migration Agency of the Ministry of Territorial Administration of RA  
ՀՀ տարածքային կառավարման նախարարության միգրացիոն գործակալություն

# Ո՞ւմ համար է հնչում զանգը. համաշխարհային ճգնաժամի ազդեցությունը Հայաստանում միգրացիոն իրավիճակի վրա

## Համառոտագիր



Մարդկային  
գարգացման  
միջազգային  
կենտրոն

### Սիրով արևմուտքից ու Ռուսաստանից...

Հերթական ճգնաժամն է մոլեգնում երկրի վրա: Գրանցվում է համաշխարհային տնտեսության զարգացման տեմպերի անսահմանորեն նվազում, փակվում են ձեռնարկությունները, կրճատվում են աշխատատեղերը... Եվ մինչ գերիզուր պետությունները քայլեր են ձեռնարկում հմտորեն դուրս գալու հերթական տնտեսական ճգնաժամից, Հայաստանում փորձում են հասկանալ, թե արդյո՞ք համաշխարհային այս ճգնաժամը կազդի մեր երկրի վրա և ի՞նչ հետևանքներ կունենա միգրանտների և նրանց ընտանիքների համար, ի՞նչ կարող են անել հասարակությունն ու պետությունը միգրանտների, նրանց ընտանիքների և հետևաբար ողջ հասարակության գլխին կուտակված ամպերը եթե ոչ ցրելու, ապա նրանց գոնե ամպրոպից պատսպարելու համար: Քննարկողները քննարկում են, իսկ սպառնող ժողովուրդն արդեն իսկ զգում է «արևմտյան ողջ սերն» ու «ռուսական բարեկամությունը»...

### Այնտեղ, ուր ձմեռում են խեցգետինները

Գաղտնիք չէ, որ ներկայում երկրից մեկնողների զգալի մեծամասնությունը աշխատանքային միգրանտներ են: Միգրանտների շուրջ 73%-ը մեկնում է Ռուսաստան, որի միջավայրն առավել ընկալելի է, լեզուն՝ հասկանալի, հարաբերությունները՝ ծանոթ, իսկ տնտեսությունն էլ օրինական, թե անօրինական աշխատուժի կարոտ ու նավթային եկամուտներից արբած: Արտերկիր մեկնածները հիմնականում զբաղված են շինարարության ոլորտում (միգրանտների 40%-ը: Միգրանտների ընտանիքների ճշող մեծամասնությունը՝ 71%-ը դրամական փոխանցումներ է ստանում արտերկրում գտնվող միգրանտից, ընդ որում, նման ընտանիքների 80%-ը միգրանտի ուղարկած գումարները ստանում են կանոնավորապես՝ որոշակի հաճախականությամբ:

Ստացած գումարները հայրենիքում մնացող ընտանիքները ծախսում են առավելապես օրավուր ընթացիկ խնդիրների և սպառման վրա, և ստացված դրամը խնայել կարողանում են ընտանիքների 15%-ը միայն: Իհարկե, գումարներ խնայում և կուտակում են նաև հենց միգրանտները՝ դրամ «ետ զցելով» տարբեր նպատակների համար. ընտանեկան միջոցառումներ՝ 20%, զավակների կրթություն՝ 15%, բժշկական ծախսեր՝ 28%: Հատկանշական է, որ այդ գումարները միգրանտներն ու նրանց ընտանիքները գերադասում են պահել տանը՝ «բարձի տակ», չնչին բացառությամբ: Սա թերևս առավել տրամաբանական որոշումն է. չէ՞ որ դրամական փոխանցումներն այսօր չեն դիտվում որպես առաջնային ֆինանսական գործիք՝ ո՛չ որպես խնայողությունների, ո՛չ որպես վարկի մարման աղբյուր:

### Ճգնաժամային մարտահրավերներ

Տարբեր երկրներում գտնվող, տարբեր տարիներին մեկնած և տարբեր ոլորտներում զբաղված միգրանտների վրա ճգնաժամը հավանաբար կանդրադառնա տարբեր կերպ: Ասենք, 2006 թվականին Իսպանիա մեկնած և շինարարությունում աշխատող բանվորի համար դժվար օրերն սկսվել են, մինչդեռ տարիներ առաջ եվրոպական երկրներ մեկնած գործարարությամբ զբաղվող հայաստանցիները ճգնաժամի ազդեցությունից խուսափելու ավելի լավ հնարավորություններ ունեն: Մոսկովյան բանկի հայաստանցի շարքային ծառայողին նույնպես ծանր օրեր են սպասվում: Ներկա ճգնաժամն առաջին հերթին հարվածում է ֆինանսա-վարկային համակարգերին, շինարարությանը և ֆինանսատար ոլորտներին ընդհանրապես:

Վերջին հետազոտությունները ցույց են տալիս, որ համաշխարհային ճգնաժամն այնուամենայնիվ արդեն իսկ իր ազդեցությունն ունեցել է միգրանտների կողմից Հայաստան

Երևան 0001  
Սայաթ Նովա 19  
Հեռ.՝ +374 10 582638  
Ֆաքս՝ +374 10 527082

mail@ichd.org  
www.ichd.org



ուղարկվող դրամական փոխանցումների վրա: Այսպես օրինակ, ըստ պաշտոնական տվյալների ոչ առևտրային փոխանցումների ներհոսքը 2008 թվականի սեպտեմբերին օգոստոսի նկատմամբ նվազել է 7 մլն դոլարով կամ 4 %-ով, որի հիմնական պատճառը Ռուսաստանից փոխանցումների 8 մլն դոլարով անկումն է: Ընդհանուր փոխանցումների ներհոսքը 2008 թվականի սեպտեմբերին նախորդ ամսվա նկատմամբ նվազել է 2 %-ով, դրամի զուտ ներհոսքը՝ 30 %-ով:

Ներկայիս տնտեսական ճգնաժամը էականորեն բարդացնում է Հայաստանից արտագաղթած աշխատանքային միգրանտների զվաղվածության հարցի լուծումն ընդունող երկրներում և մտավախություն ձևավորում, որ ճգնաժամի թևերի մեջ սեղմված երկրներից միգրանտները կարող են զանգվածաբար վերադառնալ Հայաստան: Պատրաստ է արդյոք հայաստանյան տնտեսությունը վերադարձող միգրանտների նման հոսքի: Կարծիք կա, որ նման հարկադրված տունդարձը կբերի սոցիալական լարվածության սրացման: Մյուս կողմից կան պնդումներ, որ ընդհակառակը, վերադարձող միգրանտները և նրանց խնայողությունները կարող են խթանել Հայաստանյան տնտեսությունը, ասենք սպառման աճի միջոցով:

### «Գյուղ կանգի, գերան կկտորի...»

Այսպիսով, որո՞նք կարող են լինել հայաստանյան միգրացիոն քաղաքականության առաջնահերթ քայլերը, որ թույլ կտան նվազագույնի հասցնել ներկայիս ճգնաժամի բացասական ազդեցությունը այնպիսի մի երկրի տնտեսության և հասարակության վրա, որն ունի մեծ թվով միգրանտներ և աղքատության բարձր ցուցանիշներ:

Նախ ներքին միգրացիայի խնդիրները պետք է մտցվեն քաղաքական օրակարգ: Զաղաքների բեռնաթափումը աշխատուժի կենտրոնացումից և գյուղերում զբաղվածության ապահովումը պիտի դառնա երկրի որևէ ռազմավարական, ուլորտային կամ ճյուղային զարգացման ծրագրի առանցքներից մեկը: Չէ որ իմմիգրացիոն մեծ դեպքում սոցիալական լարվածությունը կսրվի հատկապես հենց քաղաքային բնակավայրերում:

Ակնհայտ է, որ միգրանտների դրամական փոխանցումների մի մասը կարող է ներգրավվել ֆինանսական ծառայությունների ոլորտ, ի օգուտ թե՛ միգրանտների ու նրանց ընտանիքների, թե՛ ֆինանսական համակարգի ընդհանրապես: Այս տեսանկյունից հնարավոր է ներդնել պետության հետ համատեղ համայնքային ներդրումների մեխանիզմ՝ բացի հարազատներին փոխանցումներ ուղարկելուց, ՀՀ-ում այլ՝ բարեգործական, սոցիալական, գործարար նախաձեռնությունների պատրաստ միգրանտների համար:

Անհրաժեշտ է դրամական փոխանցումների ներգրավմամբ ընդլայնել վարկային կազմակերպության հաճախորդների բազան՝ հիմնվելով ֆինանսական կառույցների, պոտենցիալ հաճախորդների եւ դրամական փոխանցումներ իրականացնող կազմակերպությունների համագործակցության վրա և պարբերաբար ստացվող փոխանցումները դիտարկել որպես մարման հիմնական աղբյուր: Այս տեսանկյունից, հաշվի առնելով խնայողությունների կառուցվածքը, անհրաժեշտ է խթանել դրամային փոխանցումների վրա հիմնված ֆինանսավորման վարկա-ավանդային մեխանիզմների ներմուծումը:

Ի վերջո վատ չէր լինի ստանալ արտերկրում գտնվող հայ միգրանտների զբաղվածության պատկերի փոփոխությունը նախաճգնաժամային ժամանակաշրջանի համեմատ՝ ներառյալ ոլորտային պատկերի հետազոտությունը, երկրի տնտեսական, կրթական, սոցիալական և այլ ոլորտային քաղաքականությունները արդիական և համաշխարհային զարգացումներին համահունչ դարձնելու համար:

*Համառոտագիրը մշակվել է «Աջակցություն Հայաստանում միգրացիոն քաղաքականության մշակմանն ու համապատասխան կարողությունների ձևավորմանը» ծրագրի շրջանակներում 2008թ-ի հոկտեմբերի 8-ին կայացած կլոր սեղանի մասնակիցների կողմից արտահայտված կարծիքների հիման վրա:*

*Կլոր սեղանին մասնակցում էին անկախ վերլուծաբաններ, պետական պաշտոնյաներ, միջազգային կառույցների ներկայացուցիչներ:*

*Ծրագիրը ֆինանսավորվում է Եվրոպական միության կողմից:*